



VANAUSONEKA KULI WATSON GOODMAN

**Mu “KUKAFWA CA KUFUMA MWILU” tunafu-
twilamo mazu a Kalunga amavulu a kutukafwa ha viha-
nde vyavivulu vya mu Mukanda wa Kalunga. Ami ngwa-
fwelela ngwami, mazu a Kalunga avene akiko atela ku-
tulumbunwina vya ha Mukanda wa Kalunga.**

**Mazu a Kalunga afuma mwilu kaha eji kukafwanga
cikuma vaka-kuwatonda na kuwevwila lipwila lya mu-
cano. Omu mutu mwalumuka na kupihilila, hi mwahu-
nga shili, na kumwitavila Mwata engile na kutwama
mu mucima wenyi, na kumufwelela Mwata Yesu Kuli-
shitu kupwa Mulwilo wenyi, Mwata mwalijimbula kuli
ikiye na kumuhana cisambo cenyi na kuunda cenyi. Cu-
meci casolokele kuli yami mu mwaka wa 1937, kaha
noholili nguli na Mwata hamwe. Shikaho nguli na ku-
milembelela na yenu vakwetu ngwami, mulyece kuli
Ikiye oholili vene nge kanda mumwitavile, apwenga
Mulwilo wenu, apwenga Mwata wenu nawa.**

— Watson Goodman

Wavaka-Loma 5.8

Oloze Kalunga asolola lyehi zangi yenyIvene yakutuzange-tu, mwomwo ximbu haze twapwilinga tucili tuvaka-xili, Kulixitu atufwilile.

Yowano 13.1

Jino ximbu capwile ciwanyino capaseka cicili kanda, Yesu hakutacikiza ngwenyi, Lwola lwami lunahete lyehi mangana ngufume hamavu nguyenga kuli Tata, hakuzanga watu jenyi vali hamavu avazangile palanga nakusongo.

Kusoloka 1.5

Nakuli Yesu Kulixitu, Cinjiho wakuxixika, Twatwa wakuwafu, Muka-kuyula vamyangana vaha-

no hamavu. Kuli Ou atuzanga, Ou atujitula lyehi mumilonga yetu yaxili namanyingenyi.

Yelemiya 31.3

Yehova alisolwele kuli ami hakufuma kwakusuku ngwenyi, Ngunakuzange nazangi yahaya myaka yosena. Xikaho ngunakoko nalikoji.

Yowano 3.16

Mukiko vene mwavazangilile Kalunga vaka-mavu, kuvahanyina Mwanenyi umwe kaha lyamunwe, mangana ngwenyi, wose mwamwitavila akazeneke kunga, oloze ngwenyi, atwamenga nakuyoya cahaya myaka yosena.

Mateu 1.22, 23

Jino vyuma vyosenevi vinasoloka mangana muze ahanjikile Yehova muli kapolofweto mulumbunuke ngwenyi, Tala, mwanapwevo ou acili kanda alimone nalunga mwakemita lijimo, mwakasema mwana walunga, Kaha mwana navakamuluka lijina lye-nyi ngwavo, Ikiye Emanwele, kulyalumuna linapu nge ngwavo, Kalunga tuli nenyi hamwe.

Yowano 14.9, 10a

Yesu amwambile ngwenyi, Ove Fwilipu, kutala ngunaximbula cikuma nayenu myaka yipwaha ngana, kaha kawangutacikizako,

kumana? Ou nangumono Ami namumono lyebi Tata, nyi ngacilihi unambe ngwove, Tulweze Iso? Kawetava tabi? ngwove, Ami nguli muli Tata naTata nawa ali muli Amiko?

Yowano 1.1 na 14

Hakuputuka Lizu kulyapwilenga, kaha Lizu lyapwilenga naKalunga hamwe, kaha Lizu lyapwilenga Kalunga. . . Lizu lyalite-gekele kupwa wacisemwa cahamavu, atwaminenga muli etu (kaha upahu wenyi twaumwene, upahu kana waMwana umwe kaha lyamunwe kuli Ise), apwilenga wakuzala nalikoji namucano.

WaYowano 1, 4.15

Wose mwetava ngwenyi, Yesu Ikiye MwanaKalunga, Kalunga atwama muli ikiye naikiye nawa muli Kalunga.

Isaya 9.6

Mwomwo kuli etu kunasemuka mwana, vanatuhane mwana walonga, wangana naukapwanga hacifwiji cenyi, kaha lijina lyenyi navakamuvulukanga ngwavo, Ikiye Wakukomwesa, ngwavo, Ikiye Wakulweza punga, ngwavo, Ikiye Kalunga waundume, ngwavo, Ikiye Sevo yamyaka yosena, ngwavo, Ikiye Mwangana wakuunda.

Mateu 17.5

Ximbu apwile acili nakuhanjika, kumana, kwavazengaminyine livwi litoma to, kaha kumana, mulivwi kana mwafumine lizu lyakwamba ngwenyi, Ou you Mwanami, Ou ngwazanga, Ou ngweji kwivwilanga kuwaha, mwivwililenunga Ikiye.

Luka 1.35

Uze kangelo amukumbulwile ngwenyi, Xipilitu wajila mweza hali ove, kaha ngolo jayOu alitulaho najitwama hali ove. Xikaho nawa Ou mwakasemuka navakamuvuluka ngwavo, Ikiye wajila, ngwavo, Ikiye MwanaKalunga.

Yowano 11.25

Yesu amwambile ngwenyi, Ami yami Kusanguka, yami Kuyoya. Ou mwangwitavilAmi, cipwe nafu, mwakayoya.

Yowano 13.13

Enu mweji kunguvulukanga ngwenu, Muka-kunangula, ngwenu, Mwata, kaha munahanjika kanawa, mwomwo vene mungwapwa ngoco.

Yowano 8.58

Yesu avambile ngwenyi, Camwenemwene, camwenemwene, nangumilweza ngwami, Ximbu apwile Apalahama kanda acisemuke, Ami ngwapwa.

Yowano 10.7

Kaha Yesu avambile ceka ngwenyi, Camwenemwene, camwenemwene, nangumilweza ngwami, Ami yami cikolo camikoko.

Yowano 6.35

Yesu avambile ngwenyi, Ami yami kulya kana cakuyoya. Ou mweza kuli Ami kexi kukevwa ceka zalako, kahou mwangwitavilAmi kexi kwiza kukevwa ceka lipwilako.

Yowano 8.23

Avambile ngwenyi, Enu muvamuxi, Ami nguwamwilu. Enu muvahano hamavu, Ami kangwexi nguwahano hamavuko.

Mateu 20.30 na 34

Kaha kumana, kutenga yajila kwatwamine tupuputa vavali. Omu vevwile ngwavo, Yesu ali nakupalika, vatambakanyine ngwavo, Ove Mwata, acituteteleko mwane, ove mwanaNdavici! . . . Yesu avevwilile keke, avasalikile livoko hameso avo, kaha linwomu vatonene, kaha vamukavangijile.

Mateu 21.19

Omu amwene mukuyu kwakamwihi najila, ayileko. Oloze kawanyineko cuma cekako, xina mafo kaha. Kaha awambile ngwenyi, Kanda ukema ceka

mihakoko nahaya myaka yosena. Kaha linwomu vene uze mukuyu womine cau.

Mateu 14.19-21

Avalwezele aze mayongomena kusendavala hamwila, jize jimbo lo jitanu navaze vaixi vavali avitambwile, kaha atalile kwilu, aviwahixile, apuzwile jize jimbolo, ajihanyine kuli tumbaji twenyi, kaha tumbaji twenyi vajihanyinehanyine kumayongomena. Vose na valile, vekucile. Kaha vihandavize vasezeleho vavikungulwile, jimbango likumi najivali jato. Vaze valile vapwile malunga lika kafwe makombakaji atanu, namapwevo navanyike nawa.

6 YESU KULISHITU IKIYE TENGI, IKIYE MWATA

Yowano 1.3

Vyuma vyosena vavitengelele muli Ikiye, kaha kakwexi cuma cakutenga nacimwe pimbi vate-ngele cakuzeneka Ikiyeko.

Wavaka-Kolinde 1, 1.9

Kalunga napu Kavita-kamwa-mbalimwe, Ou Ikiye Uze amisa-nyikila mukulikata caMwanenyei Yesu Kulixitu Mwata wetu.

Wavaka-Kolose 1.16

Mwomwo muli Ikiye mukiko vene vavitengelele vyuma vyose-na, navize vyamumelu, navyevi vyahamavu, navyuma vamonu, navyuma vahona kumona, cipwe matanda amawangana, cipwe ma-

wata, cipwe mawangana, cipwe vaka-ngolo, vyuma vyosena va-vitanga muli Ikiye nahali Ikiye.

Vilinga 2.36

Xikaho vaka-tanga yalsalele vosena vatacikize kanawa ngwa-vo, Ou Yesu, Uze mwasukikixi-lenu kukulusu, Kalunga namuli-ngisa lyehi kupwa Ikiye Mwata, Ikiye Kulixitu.

WavaHepeleu 1.2

Kalunga...hakukumisa cama-kumbi ano nahanjika kuli etu mu-li Mwanenyei, Ou atongwele ku-pwa Ikiye swana wakuswana vyuma vyosena, muli Ikiye nawa mu-kiko vene atengelele myaka.

YESU KULISHITU IKIYE MUKA-KUSOPESA VOSENA 7

Mateu 25.32

Vaka-mafuci osena navakavakungulwila kumeso enyi, kaha mwakavahandununa vamwe oku vamwe oku, nganomu eji kuhandununanga kafunga mikoko navapembe.

Yowano 5.22

Mwomwo cipwe kusopa, Ise kexi kusopesa mutuko, oloze kusopesa cosena naci hane lyehi kuli Mwaneniyi.

Wavaka-Loma 14.10

Oloze ove ikaze weji kumuhandununanga ndumbwove mulonga? Kaha ceka nawa, ove ikaze weji

kumulumbilixilanga ndumbwove? Mwomwo tuvosenana natukemana kulutwe lwacitwamo caKalunga cakusopela.

WaCimoteu 2, 4.1

Xikaho nangukulweza kumeso aKalunga naKulixitu Yesu, Ou mwakasopesa vavatoniyi navafu, nahakusoloka cenyi nawangana wenyi.

Vilinga 10.42

Kaha atulwezele nawa ngwenyi, tuvambulilenga vatu mazu nakuvalweza unjiho ngwetu, Ikiye vene Uze vatongola lyehi kuli Kalunga kupwa Muka-kusopesa navavatoniyi navafu.

8 KUSOKOKA MULI KULISHITU KAHA

Yowano 10.9

Ami yami cikolo, kaci nge mutu mwengilila muli Ami nava-mulwila, kaha mwengila mwalo-voka mwawana kuulilo.

Yowano 14.6

Yesu amwambile ngwenyi, Ami yami Jila, yami Mucano, yami Kuyoya. Mutu naumwe pimbi mweza kuli Tata kuvanga hali Ami kaha.

Yowano 8.24

Xikaho ngwamyambanga ngwami, Namukafwa mumilonga yenu yaxili, mwomwo kuvanga mune-tava ngwenu, yami vene, moko-moko namukafwa mumilonga yenu yaxili.

WavaHepeleu 5.9

Kaha hakulinga kupwa waku-kupuka mwosena alingile kupwa Muka-kuneha ulwilo wahaya myaka yosena kuli vaka-kumwo-nonoka vosena.

WavaHepeleu 7.25

Xikaho ava navapandama kuli Kalunga hali Ikiye nahase nawa kuvalwila palanga nakusongo, mwomwo ayoya nahaya myaka yosena mangana avahakwilenga, xikaho.

Vilinga 4.12

Kaha ulwilo kawexi muli weka naumweko, kaha nawa hano hamavu kahexi lijina lyeka vanahane muli watu vatulwile nalyoko.

KUSOKOKA MULI KULISHITU KAHA

9

Wavaka-Kolose 1.12-14

Mumusakwililenga Setu, Ou natulingisa Iyehi kupwa twatela kutambwila hamwe kuuswana wavakakujila mumusana. Ikiye Ou atuyowele mungolo jambilima, kaha natunungulwila muwangana waMwanenyi Ou azanga. Muli Ikiye mukiko vene tuli nakusokoka cetu, cikiko kutukonekela milonga yetu yaxili.

Wavaka-Kolinde 1, 1.30

Oloze muli Ikiye mukiko vene muli enu muli Kulixitu Yesu, Ou vanalingisa kupwa Ikiye mangana akuli Kalunga kuli etu, Ikiye kwoloka, Ikiye kujila, Ikiye kusokoka.

WaCituse 2.14

Ou alyecele Ivene hali etu mangana ngwenyi, atusokole kuupapwoki wosena, ngwenyi, alitome-sele watu vamwe vapwenga venyi aheta, vaka-kufwila vilinga vya-mwaza.

Kusoloka 5.9

Kaha hinavemba mwaso wauhya ngwavo, Ove watela kutambula mukanda kana nakulamuna tutacikijilo twawo, mwomwo vakujihile, kaha wamulanjilile Kalunga watu vaka-miyaci yosena namanyingove, vaka-malimi osena, vaka-mafuci osena, vakuli watu veka naveka vosena.

10 KUTUWANYISA NA KALUNGA HA MANYINGA A KULISHITU

Wavaka-Loma 5.9

**Xikaho, mwomwo vanatuvulu-
kila lyehi kwoloka hamanyinge-
nyi, nacihambakana cikumanyi ji-
no kutulwila nawa kundombo
muli Ikiye.**

Wavaka-Efwesu 1.7

**Muli Ikiye mukiko vene tuli
nakusokoka cetu hamanyingenyi,
cikiko kutukonekela vilinga vyetu
vyakuhingika, nge kutesa naluhe-
to lwalikoji lyenyi.**

WaYowano 1, 1.7

**Oloze kaci nge tweji kutambu-
kilanga mumusana nganomu a-**

**pwa Ikiye mumusana, kaha tuli
nakulikata cetu umwe naumwe,
kaha manyinga aYesu Kulixitu
Mwanenyi nawatutomesa kuxili
yosena.**

WaPetulu 1, 1.18, 19

**Mwomwo munatacikiza ngwe-
nu, hakumisokola mukutwama
cenu cakulixina tuhu cize vami-
selelele vakakuluka jenu, kavami-
sokwele navyuma vyakuya naku-
pola, naulu napalatako, oloze na-
manyinga amalemu nge amwana-
mukoko wakuzeneka katenga ci-
pwe lipenga, manyinga aKulixitu.**

ULWILO HA KUFWELELA MULI KULISHITU 11

Wavaka-Efwesu 2.8, 9

**Mwomwo kulikoji lyenyi, kuki-
ko vene vanamilwili lyehi haku-
fwelela, kahoco kacexi cakuli enu
vaveneko, cinapu wana waKalun-
ga, kacexi cakuilingako, kucina
mutu umwe mwakalisasa.**

Wavaka-Loma 5.1

**Ngoco mwomwo vanatuvulu-
kila lyehi kwoloka hakufwelela,
xikaho kuli etu naKalunga kuli
keke muli Mwata wetu Yesu Ku-
lixitu.**

Yowano 6.28, 29

**Kaha vamwihwile ngwavo, Na-
tulinganga ika mangana tuzate-
nga milimo yaKalunga? Yesu a-**

**vakumbulwile ngwenyi, Milimo
yaKalunga yeyi vene, yakwitave-
nu kuli Ou atumine Ikiye.**

Wavaka-Fwilipi 3.9

**Mangana ngwami, vakangu-
wane nguli muli Ikiye, kexi nge
nakwoloka cayami iveneko, eci
cakuJiximbi, kuvanga naceci ca-
mukumufwelela Kulixitu kaha,
cikiko kwoloka cakuli Kalunga
cahakufwelela.**

Yowano 20.31

**Oloze evi vanavisoneka manga-
na muketave ngwenu, Yesu Ikiye
Kulixitu MwanaKalunga, kaha
mangana hakwitava mutwamenga
nakuyoya halijina lyenyi.**

Jisamu 103.17

Oloze likoji lyaYehova lili hali
ava vamwivwa woma, kufumisa
kumyaka yosena nakutwala ku-
myaka yosena, Nakwoloka cenyi
nawa caheta kuli vana vavana
vavo.

Lungungu 3.22, 23

Omu vanazeneka kutumanunu-
na, mwomwo halikoji lyaYehova
lyalivulu, mwomwo vilinga vye-
nyi vyakeke kavyahwileko, xika-
ho. Vinapu vyavihya hacimene
hacimene, kuzaminyina cove ci-
napu cacinene.

WaCituse 3.5

Kexi havilinga vyamukwoloka
twazaciletu vaveneko, oloze nge

omu caya kutetela calvene, mu-
kiko vene atulwilile, mukusanyisa
kana cakutusema ceka, hakutuli-
ngisa kupwa tuvahya cakuli Xipi-
litu wajila.

Jisamu 103.11

Mwomwo nganomu ajindama
melu helu lyamavu, Ngoco mu-
lyatohwela likoji lyenyi hali ava
vamwivwa woma.

Mika 7.18

Iyaze napu Kalunga nge muwa-
pwOve, ou eji kukonekelanga ku-
henga nakuzomboka milonga ya-
vava vanasaleho hauswana we-
nyi? Kexi kuyiyanga utenu wenyi
haya myaka yosenako, mwomwo
nevu kuwaha kulikoji, xikaho.

KALUNGA ATULEMBELELA TWIZE KULI IKIYE 13

Mateu 11.28

Twayenu kuli Ami enu muvo-sena muli nakukilikita nakumbata vyavilemu, kahAmi nangumino-kesa.

Yowano 7.37

Jino halikumbi lyakukuminyi-na, lize vene lyaciwanyino lyalinene, Yesu emanyine, atambakanyine ngwenyi, Kaci nge kuli mutu nevu lipwila, eze kuli Ami anwe.

Isaya 55.1

Enu muvosena muli nalipwila, twayenu kumeya, nenu nawa munahono jimbongo, twayenu, landenu, lyenu. Mwomwo vene,

twayenu, landenu vinyo nama-vele cakuzeneka jimbongo, cakuzeneka kweca ndando.

Isaya 1.18

Yehova nambe ngwenyi, Twayenu uno tulivwasanenu. Cipwe milonga yenu yaxili yinacilana cikuma, nayitoma to nge vula yaxixika. Cipwe yinapu yicila nge-ngu, nayipwa nge mangona amikoko.

Kusoloka 22.17

NaXipilitu namwenga veji kwambanga ngwavo, Twaya! Nou mwevwako nawa ambe ngwenyi, Twaya! Ou mwevwa lipwila eze, kaha wose mwasaka atambule meya akuyoya awana.

KESHINGE VATU VOSENA VAPWA VANA VA KALUNGAKO

WaYowano 1, 3.10

Hakiko vene huvasolokela vana vaKalunga navana valiyavolo. Wose azeneka kulinga mwakwolo ka kexi wakuli Kalungako, cipwe uze azeneka kuzanga ndummbwenyi.

Yowano 1.12

Oloze vexovo vamwitavilile avahanyine ngolo jakupwa vana vaKalunga, vase vene vaka-kwitava kulijina lyenyi.

Wavaka-Loma 8.14, 15

Mwomwo vexovo veji kutwamininyinangako kuli Xipilitu yaKalunga, vakivo vene vana vaKalunga. Mwomwo kamwatambwile

ceka xipilitu yaundungo yakuneha womako, oloze mwatambwile xipilitu yakumitavila muvana, mukiko vene mutweji kutambakanyinanga ngwetu, Apa, Ove Tata.

Wavaka-Kolinde 2, 6.17, 18

Xikaho Yehova nambe ngwenyi, Lovokenu muli vakivo, lihاندununenumo, Kanda mukwata kucuma cacipi cimweko, KahA-mi nangumitambula, Kuli enu nangupwanga nguSenu, Kaha kuli Ami enu namupwanga muvana vami vamalunga, muvana vami vamapwevo. Mukiko mwanambe Yehova, Ukweci ngolo josena.

MWANAMBE KALUNGA HA KUVULUKA WALA WAUSASU

15

Wavaka-Loma 13.13, 14

**Tutambukenunga mwamwene-
mwene nge mumusana, kexi mu-
kukinakina jingoma namukupe-
ndapenda walako, kexi mumau-
jila namukuzungwomako, kexi
muvikokojola namulisunguko. O-
loze muvwalenu Mwata Yesu Ku-
lixitu, kaha kanda mukalyanukila
cisemwa cahamavu nakukava ku-
fwila cacoko.**

Wavaka-Ngalexu 5.19-21

**Jino vilinga vyacisemwa caha-
mavu vinalumbunuka, vikiko ve-
ne evi: ujila, namajilo, nakuzu-
nguma, nakulemesa makombelo,
nakupanda, najikole, navikokojo-**

**la, namasungu, namatoto, nakuli-
kindwojokela, nakubelangana, na-
mikana namikana, naluxiuxiu, na-
kupendapenda, nakukinakina, na-
vyuma nganevi. Kuvyumevi ngu-
li nakumihuhumuna nganomu
ngwamihuhumwine ceka ngwami,
Vaka-kulinga vyuma vyangana
kavexi kukaswana wangana wa-
Kalungako.**

Isaya 5.11

**Mama lelo kuli ava navamene-
ka cimenemene mangana vakava-
ngizenga wala wausasu, ava nava-
twalaho nahakajimbavenyi, pala-
nga nomu navaseketela navinyo!**

16 KWITAVILA TUHU VYUMA KACATAMOKO

Mako 10.17-22

. . . Ove muka-kunangula wamwenemwene, nangulinga muka mangana ngukaswane kuyoya cahaya myaka yosena? . . . Jiximbi unajitacikiza, omu ngwavo, Kanda ukajiha mutuko, ngwavo, Kanda ukalinga ujilako, ngwavo, Kanda ukevako, ngwavo, Kanda ukambulula unjiho wawkwongako, ngwavo, Kanda ukalyapula mukwenuko, ngwavo, Vumbikanga iso nanoko. Amwambile ngwenyi, Ove mukakunangula, vyosenevi ngwavilama lye hi kufumisa kuunyike wami. Yesu hakumutala amuzangile, kaha amwambile ngwenyi, Kuli ove

kucinasale cuma cimwe kaha. Yako ukalanjise vyexovyo uli navyo, ukavipangile kuli vaka-kuhuta, kaha naukatwamanga naluheto mwilu. Kaha twaya ungukavangizenga. Oloze ikiye hakwivwa lizu eli kumeso enyi kwahombele zwe, kaha ayile nakunyengetela, mwomwo apwile naluheto lwalunene, xikaho.

Mateu 22.37, 38

Amwambile ngwenyi, Elu vene ngwavo, Muzangenga Yehova Kalunga kove namucima wove wosena, namwono wove wosena, namanganove osena. Elu lukiko luximbi lwalulemu lwatete.

KANDA WITAVA VAKWONGEKO

17

Wavaka-Efwesu 5.6

Kanda vakamitangisa namazu amokomoko kuli mutu umweko, mwomwo havyumevi hakiko vene nayijila ndombo yaKalunga hali vana vakulikanga.

Wavaka-Kolinde 1, 6.9, 10

Nyi kamwatacikijileko tahi? Vaka-kuhenga kavexi kukaswana wangana waKalungako. Kanda muhungumukako. Cipwe vaka-ujila, cipwe vaka-makombelo, cipwe vaka-ukoji, cipwe vaka-kulitenga nge mapwevo, cipwe malunga vaka-kulipihisa navakwavo malunga, cipwe veji, cipwe vaka-lukamakama, cipwe vaka-kupe-nda wala, cipwe vaka-kutukana,

cipwe vaka-lulami, kavexi kukaswana wangana waKalungako.

WaYakova 1.22

Oloze pwenunga muvaka-kulinga mwaya mazu, kanda mupwa muvakakwivwa kaha nakulitangisenu vaveneko.

WaYowano 1, 3.7, 8a

Enu vana vami vavandende, kanda vakamihungumwisa kuli mutu umweko. Ou eji kulinganga mwakwoloka napu wakwoloka, nganomu apwa Uze nawa wakwoloka. Ou eji kulinganga vyuma vyaxili napu wakuli liyavolo, mwomwo kufumisa kukuputuka liyavolo eji kuvulumunanga lika.

WaYakova 1.15

Jino kufwila kana hakukumisa kwimita, hinacisema xili, kaha xili hakukula hinayisema kufwa.

Wavaka-Loma 8.6

Mwomwo kujina cacisemwa cahamavu cikiko kufwa, oloze kujina caXipilitu cikiko kuyoya nakuunda.

Ezekele 18.20

Mwonou nauvulumuna ukiko naukafwa. Mwanenyi kexi kukambata kuhengesa caiseko, kaha ise kexi kukambata kuhengesa camwanenyiko. Kwoloka camuka-kwoloka nacipwanga hali ikiye, kaha kuhuka camuka-kuhuka nacipwanga hali ikiye.

Wavaka-Loma 5.12

Xikaho nge muze yejile xili hano hamavu hali mutu umwe, nakufwa nawa calondolokele haxili, kaha ngoco kufwa cinahete kuli watu vosenana, mwomwo vosenana vavulumwine.

Viximo 11.19

Ou mwalikolezeza mukwoloka mwaheta kuyoya, Kaha ou mwa-kavangizanga kupihya ali nakuya kukufwa cenyi.

Luka 15.32

Oloze cinatela kusebelela nakuwahilila, mwomwou songo yove napunga wakufwa, kaha nayoyo ceka, napunga wakujimbala, kaha tunamuwane ceka, xikaho.

Yowano 11.43, 44

Hakutulisa kuhanjika ngoco, atambakanyine nalizu lyakukanguka ngwenyi, Ove Lazalu, lovokamo! Uze apwile mufu alovokele-mo, hanga vamukaxilanga kumavoko nakumahinji mahinaze vamujingilile, nakumeso enyi nawa hanga vamujicikilanga lilesu. Yesu himwavamba ngwenyi, Mukasununenu mangana ayenga kwenyi.

Kusoloka 1.18

Yami Muka-kuyoya, ngwafwile, kaha tala, nguMuka-kuyoya nahaya myaka namyaka, kaha nguli najisapi jakufwa najeji ja-Hetese.

Luka 7.14, 15a

Aswenyeleko, asalikile livoko lyenyi kumusela, kaha vase vaukulikile vemanyine kwavo. Ambile ngwenyi, Ove mwanalunga, nangukwamba ngwami, Hinduka. Kahou afwile akondomokele, aputukile kuhanjika.

Yowano 10.17, 18

Hakiko vene anguzangila Tata, mwomwo Ami nangweca mwono wami, mangana ngukautambule ceka. Naumwe pimbi mwakangutambulawo, oloze Ami lyavene nangu'yecelawo. Nguli nangolo jakuweca, kaha nguli nangolo jakuutambula ceka. Luximbi elu ngwalutambwile kuli Tata.

Luximbi lwamucivali 5.7-21

Kanda mukatwama natulunga veka kumeso amiko.

Kanda mukalisongela likombe-lo lyakusongako, cipwe cuma cakufwanyisa cuma cili mwilu, cipwe cuma cili hamavu, cipwe cuma cili mumeya muxi yamavu. Kanda mukalifukula kuvikikoko, cipwe kuvizacila. . .

Kanda mukavuluka lijina lya-Yehova Kalunga kenu hamakuliko, mwomwo Yehova kexi kuka-sambisou mwavuluka lijina lye-nyi hamakuliko.

Lamenu likumbi lyasambata mulijilile, nge omu amilwezele

Yehova Kalunga kenu. Zatenunga mulingenga milimo yenu yosena hamakumbi atanu nalimwe. Oloze likumbi lyamucitanu naavali likiko sambata kuli Yehova Kalunga kenu. . .

Vumbikenunga masenu namenu, nge omu amilwezele Yehova Kalunga kenu. . .

Kanda mukajiha mutuko.

Kanda mukalinga ujilako.

Kanda mukevako.

Kanda mukambulula unjiho wakwonga wakupayisa minenuko.

Kanda mukevwa lwisio lwapwevo lyaminenuko, kanda mukafwila zuvo yaminenuko, cipwe wande wenyi, cipwe ndungo ye-

nyi walunga, cipwe ndungo ye-
nyi wapwevo, cipwe ngombe ye-

nyi, cipwe cimbulu cenyi, cipwe
cuma cimwe cinapu caminenu.

KAWESHI KUHASA KUMUCINA KALUNGAKO 21

Jisamu 139.8 na 12

Kaci nge nanguya namwilu, ka-
ha muze muuli. Kaci nge nangwa-
la kahela kami muXeyole, kaha
tala, muuli nawa... Kaha namili-
ma nawa kayexi kwilavisa uhone
kumonako, Oloze ufuku weji ku-
munyikanga nge musana, Ngano-
mu wapwa musana, ngoco mu-
yapwa namilima nawa.

Yopa 34.21, 22

Mwomwo meso enyi eji kutala-
nga jijila jamutu, Namono jita-
mbo jenyi josena. Kakwexi mili-
ma, cipwe muvwimbimbi waku-

fwa, Oku navahasa vaka-kuzata
mwakuhenga kuswamako.

Yelemiya 23.24

Mutu mwahasa kuswama mwa-
kuvumbama numbami nguhone
kumumona? Mukiko mwanehula
Yehova. Kangwasulisa lilu nama-
vuko numba? Mukiko mwanehu-
la Yehova.

Luka 8.17

Mwomwo kakwexi cuma caku-
vumbama cimwe navakahona ku-
sololako, cipwe cuma cakusweka
cimwe navakahona kutacikiza na-
kulowela kumusanako.

KUZANGAMISA CA HAYA MYAKA HALI VAKA-SHILI

Mateu 18.8

Xikaho kaci nge livoko lyove, cipwe nge lihinji lyove lyeji kukulimbwisanga, livatulelyo, mbilalyo. Cinawahe kuli ove kwingila kukuyoya ucitonji, nalihinji limwe kaha, kuhambakana kutwama namavoko avali namahinji avali nakukumbila mukakahya kahaya myaka yosena.

Mateu 13.41, 42

Mwanamutu mwakavatuma vangelolo jenyi, kaha vyuma vyakulimbwisa vyosena, navaze nawa veji kulinganga vyaupapwoki, navakavakungulamo muwangana wenyi nakuvambila mulilungu lya-

kakahya. Mwamuze vene munavakapwanga nakulila nakulingenjunga kumazo.

Mateu 25.46

Vaze hinavakafumako nakwingila mukuvazangamisa cahaya myaka yosena, oloze vaka-kwolo-ka navakengila mukuyoya cahaya myaka yosena.

WaPetulu 2, 3.7

Oloze melu awa aliho makumbi ano, namavu nawa, halizu lyolimwe hakiko vene vavisweke-la kakahya, nakuvilamina likumbi lyakuvasopesa nakuvanongesa vaka-kumuzamukila Kalunga.

WavaHepeleu 9.27

**Kaha nganomu vavatongwela
vatu kufwa kamwe kaha, kaha
kulutwe numba vakavasopese.**

WaYowano 1, 4.17

**Mukiko vene mwakupukila za-
ngi kuli etu, mangana tukomike
halikumbi lyakusopa, mwomwo
nganomu apwa Ikiye, ngoco mu-
twapwa nayetu nawa hano ha-
mavu.**

Wavaka-Kolinde 2, 5.10

**Mwomwo etu tuvoseni kuva-
nga vakatulumbunune kulutwe
lwacitwamo caKulixitu cakusope-
la, mangana mutu himutu akata-
mbule vyuma kana azacilenga**

**mumujimba wenyi, nge kutesa
nomu alingilenga, cipwe mwa-
mwenemwene, cipwe mwamupi.**

WaPetulu 2, 2.9

**Ngwetu, kaha Yehova nataci-
kiza mwakuvayowela vaka-kumu-
komoka, kuvayovola muluyando
lwakuveseka, nakuvalama vaka-
kuhengesha mukuvazangamisanga
nakulikumbi lyakuvasopesa.**

Vilinga 17.31

**Mwomwo nasakula lyehi liku-
mbi, halikiko mwakavasopesa va-
kamavu mwakwoloka, muli lu-
nga uze atongola lyehi. Navahane
lyehi watu voseni hakucitacikijila
kanawa, hakumusangula kuvafu.**

Wavaka-Loma 5.15

Oloze wana walikoji kawalye-seka nakuhingika kanako. Mwomwo kaci nge kukuhingika cayauze mutu umwe vavavulu vawile, oloze likoji lyaKalunga nawana wahalikoji lyayauze Mutu umwe, Ivene Yesu Kulixitu, vinambwambumukila hali watu vavavulu.

WaPetulu 1, 5.5b

... Mwomwo vaka-kutangalala Kalungeji kuvemanyinanga nako-le, oloze eji kuhananga likoji kuli vaka-kulinyisa.

Wavaka-Kolinde 2, 8.9

Mwomwo munatacikiza likoji lyaMwata wetu Yesu Kulixitu,

mwomwo cipwe apwilenga Ikiye Mukaluheto, oloze hali enu hako vene alilingixilile kupwa Ikiye Mukakuhutwa, mangana ngwenyi, hakuhutwa cenyi enu mpwenga muvakaluheto.

Wavaka-Loma 9.16

Xikaho kacexi cakuli ou mwasaka, cipwe cakuli ou mwalahilako, xina cakuli Kalunga kaha, Ou Muka-kutetela.

Vilinga 4.33

Kaha unjiho wavo wakuvuluka kusanguka caMwata Yesu vapo-setolo vawambulwilenga nangolo jajivulu, kaha hali vakivo vosena hapwilenga likoji lyalinene.

Vilinga 3.19

Xikaho pihililenu nakwalumu-
ka, kindulukenu ceka, mangana
milonga yenu yaxili vakayijimba-
ngane, mangana kwizenga myaka
yakuhizumuna yakuli Yehova.

Vilinga 17.30

Kaha myaka kana yakuhona
kutacikiza Kalunga ayihombwa-
nyixile, oloze makumbi ano ali
nakuvalweza watu vosena vali
kwosena ngwenyi, Vapihilile na-
kwalumuka.

Luka 13.3

Nangumilweza ngwami, Ndu-
ma, oloze kuvanga namupihilila

nakwalumuka, mokomoko naye-
nu muvosena nawa namukano-
nga ngacize.

Vilinga 2.38

Petulu avambile ngwenyi, Alu-
mukeni, vamimbapacise mutu hi-
mutu mulijina IyaYesu Kulixitu
cakuneha kumikonekela milonga
yenu yaxili, kaha namutambula
wana waXipilitu wajila.

Wavaka-Kolinde 2, 7.10

Mwomwo kunyengetela caku-
ya mwatwala Kalunga ceji kuza-
tanga kwalumuka cakutwala
kuulwilo, cakuzeneka kuneha ku-
pihilila, oloze kunyengetela cava-
ka-mavu ceji kunehanga kufwa.

Isaya 55.7

Muka-kuhuka aseze jila yenyi, mutu wakupanga aseze vixinganyeka vyenyi, akinduluke kuli Yehova, kaha mwamutetela, akinduluke kuli Kalunga ketu, mwo-mwo mwavulisa kukonekela, xikaho.

Mateu 6.14

Mwomwo kaci nge namuvakonekela vakwenu watu havilinga vyavo vyakuhingika, kaha Senu wamwili mwamikonekela naye-nu nawa.

Ezekele 18.21

Oloze nge muka-kuhuka mwakalumuka kumilonga yenyi yose-neyi navulumuna, nge mwakala-

manga vilika vyami vyosena nakulinganga mwaciyulo mwakwolo-oka, mwakayoya cakuyoya, kexi kukafwako.

Mako 2.5

Yesu hakumona kufwelela cavo himwamwamba uze muka-kalepa ngwenyi, Ove mwanami, milonga yove yaxili vanakukonekelayo lyehi.

Kusoloka 3.20

Tala, ngunemana kucikolo nguli nakungongomwezako. Kaci nge mutu mwevwa lizu lyami nakusokolola kucikolo, kaha nangwingila muli ikiye nakulya nenyi hamwe, naikiye nawa nayAmi.

Wavaka-Kolose 3.2

Jikenu micima yenu kuvyuma vili mwilu, kexi kuvyuma vili hamavuko.

Isaya 1.16

Sanenu, litomesenu, lifumisenu kupihya cavilinga vyenu kumeso ami, litwaminenu kupihisa.

WaYowano 1, 2.15, 16

Kanda muzanganga lifuci lyahamavuko, cipwe vyuma vili hano hamavu. Kaci nge mutu mwazanga lifuci lyahamavu, kaha zangi yakumuzanga Setu kayatwama muli ikiyeko. Mwomwo vyo-senevi vili hano hamavu, nakufwila cacisemwa cahamavu, nakufwila cameo, nakulitukwojola

cahano hakaye, kavyexi vyakuli Setuko, oloze vyahano hamavu kaha.

Wavaka-Efwesu 5.11

Kanda mulikatanga navilinga vyamilima, vyakuhona namihako-ko, olozenyi vihanjikilenunga kaha.

WaCituse 2.11, 12

Mwomwo likoji lyaKalunga linasoloka lyehi nakuneha ulwilo kuli watu vosena, nakutunangula ngwenyi, hakukana kuzamukila Kalunga nakukana kufwila vyuma vyahamavu, tutwamenga mukuliunjika, mukwoloka, mukumu-komoka Kalunga, hamyaka yino.

Ezekele 36.26

Nangukamihana mucima wauhya nawa, kaha nangukahaka xipilitu yayihya muli enu. Micima yamalolwa nangukayifumisa mumijimba yenu, kaha nangukamihana micima yanyama.

Wavaka-Kolinde 2, 5.17

Xikaho kaci nge mutu ali muli Kulixitu, kuli kutenga cacihya, vyuma vize vyamwaka vinahici lyehi, tala, kuneza lyehi vyavihya jiho.

WaPetulu 1, 1.23

Mwomwo munasemuka cekâ, kexi nge kutanga yakuya nakupo-

lako, oloze kutanga yakuzeneka kupola, hamazu aKalunga akuyo-ya akwilila nahaya myaka yosena.

WaYowano 1, 2.29

Kaci nge munatacikiza ngwenu, Ikiye wakwoloka, kaha munatacikiza nawa ngwenu, wose eji kulinganga mwakwoloka nase-muwa kuli Ikiye.

Yowano 3.3

Yesu amukumbulwile ngwenyi, Camwenemwene, camwenemwene, nangukulweza ngwami, Xina kuvanga mutu mwasemuwa cacihya, mokomoko wangana wa-Kalunga kexi kuhasa kuumonako.

KUHANDUNUKA KU SHILI HA KUFWA — NA 29

KUSANGUKILA MULI KULISHITU

WaPetulu 1, 2.24

Milonga yayetu yaxili Ivene ayimbacile mumujimba wenyi kucitondo, manganetu hakuhandunuka kumilonga yaxili hakufwa, tuyoyelenga kukwoloka. kumiki ki yenyi kukiko vene vanamihi-ndwila.

Wavaka-Kolose 3.1

Xikaho kaci nge vamisangula lyehi naKulixitu hamwe, sakenu-nga vyuma vize vili mwilu, muze muli Kulixitu, natwame kulivoko lyaKalunga lyacilyo.

Wavaka-Efwesu 2.1 na 6

Kaha nayenu nawa amiyoyesele, omu mwapwilenga muvafu muvilinga vyenu vyakuhingika namilonga yenu yaxili... Kaha atusangwile nalkiye hamwe, atutwamixile nalkiye hamwe mume-lu muli Kulixitu Yesu.

Wavaka-Loma 6.2 na 11

Etu twahandunukile kuxili hakufwa natutwamangamo ceka ngacilihi? ... Ngoco vene nayenu nawa, limonenungenu vavene ngwenu, Twahandunuka lyehi kuxili hakufwa, oloze twayoyela kuli Kalunga muli Kulixitu Yesu.

Yowano 3.14, 15

Kaha nge muze azezwe Mose uze linoka helu mupambo, ngacize nawa kuvanga vamuzezule Mwanamutu nawa helu, mangana wose mwetava akatwamenga nakuyoya cahaya myaka yosena muli Ikiye.

Wavaka-Loma 6.23

Mwomwo fweto yaxili kufwa, oloze wana waKalunga walikoji cikiko vene kuyoya cahaya myaka yosena muli Kulixitu Yesu Mwata wetu.

Yowano 17.3

Kaheci cikiko kuyoya cahaya myaka yosena, mangana vakutacikizengOve, uka wove uKalunga

wamucano, nayOu nawa watumine, Ivene Yesu Kulixitu.

Yowano 5.24

Camwenemwene, camwenemwene, nangumilweza ngwami, Ou mwevwa mazu ami nakumwitava Uze angutumine ali nakuyoya cahaya myaka yosena, kaha kexi kukaheta kwakumupayisako, oloze nafumu lyehi mukufwa, nengila lyehi mukuyoya.

Yowano 3.36

Ou mwamwitavila MwanaKalunga ali nakuyoya cahaya myaka yosena, oloze ou mwalikanga kuli MwanaKalunga kexi kukamona kuyoyako, oloze ndombo yaKalunga yatwama hali ikiye.

Wavaka-Ngalexu 4.6

Kaha mwomwo munapu muvana, xikaho Kalunga amutuma lye-
hi Xipilitu yaMwanenyezi mumici-
ma yetu, eji kwambangamo ngwe-
nyi, Apa, Ove Tata.

Yowano 14.21

Ou atwama najiximbi jami, ou
eji kujilamanga, ikiye vene ou a-
nguzanga, kahou anguzanga na-
vamuzanga kuli Tata, nayAmi na-
wa nangumuzanga nangulisolola
kuli ikiye.

WaYowano 1, 3.18, 19

Enu vana vami vavandende,
kanda tuzanganga cakuhanjika

kahako, cipwe calilimi kahako,
oloze xina navilinga vyetu namu-
mucano. Hakiko vene tunataciki-
jila ngwetu, tunapu tuvaka-muca-
no, kaha natukunyukisa micima
yetu kumeso enyi.

WaYowano 1, 4.13

Hakiko vene tunatacikijila
ngwetu, twatwama muli Ikiye, na-
Ikiye nawa muli etu, mwomwo
natuhaneko lyezi kuli Xipilitu
yenyi, xikaho.

Wavaka-Loma 8.16

Ivene Xipilitu eji kwambulula-
nga unjiho najixipilitu jetu ha-
mwe ngwenyi, tuvana vaKalunga.

32 KUTWAMA NA KULISHITU MULI YETU CA TUHANA CISAMBO

Yowano 17.13

Oloze oholili nguli nakwiza kuli Ove, vyumevi nguli nakuvihanjika hamavu, mangana vatwamenga nakuwahilila cami cakutamamo muli vakivo.

Wavaka-Ngalexu 2.20

Vangusukika lyebi naKulixitu hamwe kukulusu, kaha kexi ceka yami ngunayoyoko, oloze Kulixitu Ikiye venyOu ayoya muli ami. Kaha kuyoya kaneci nguli nakuyoya jino mumujimba, nguli nakuyoyela hakufwelela, eci kufwelela kana cakumufwelela Mwana-Kalunga, Ou anguzangile alyecele Ivene hali ami.

Yowano 15.11

Vyumevi ngunavihanjika kuli enu mangana kuwahilila cami cipwenga muli enu, kaha kuwahilila cenu citemo.

Jisamu 16.11

Naungulweza jila yakuyoya, Kumeso ove kuli kuwahilila cakusuulwisa, Mulivoko lyove lyacilyo muli vyakuwivwisa kuwaha haya myaka yosena.

Wavaka-Loma 14.17

Mwomwo wangana waKalunga kawexi kulya nakunwako, oloze ukiko kwoloka nakuunda nakuwahilila muli Xipilitu wajila.

CACILEMU CIKUMA KWONONOKA KULI MWATA 33

Wavaka-Loma 6.16

**Kamwatacikijileko tabi? ou
vene namulyeca kupwa muva-
ndungo nakumwononoka, muna-
pu vene muvandungo jayou na-
mwononoka, cipwe vaxili caku-
twala kukufwa, cipwe vakwono-
noka cakutwala kukwoloka.**

Wavaka-Tesolonyika 2, 1.7-9

**Nakumihanenu muli nakuya-
nda kunoka nayetu hamwe haku-
soloka caMwata Yesu hakufuma
mwilu navangelo jenyi vangolo
hamwe, namilangi yakakahya, na-
kuvazangamisa vaze vazeneka
kutacikiza Kalunga, vaze vanaka-
ne kwononoka kumujimbu wa-**

**Mwata wetu Yesu wamwaza. Va-
kivo navakavazangamisa nakuno-
ngesa cahaya myaka yosena, ca-
kufuma kumeso aMwata naku-
upahu waundume wenyi.**

Luximbi lwamucivali

11.26-28a

**Ivwenu, likumbi lyalelo nguli
nakuhaka kukisula nakwangula
kumeso enu. Kuli kukisula, kaci
nge namwivwililanga mujiximbi
jaYehova Kalunga kenu, eji ngu-
li nakumilweza likumbi lyalelo.
Kuli kwangula, kaci nge namuka-
kana kwivwilila mujiximbi jaYe-
hova Kalunga kenu. . .**

34 KUMWITAVILA KULISHITU CAPWA CUMA CACILEMU

WaYowano 1, 2.23

Wose mwahamika MwanaKalonga, cipwe Ise nawa kexi nenyiko. Ou mwamwitavila MwanaKalonga ali nalse nawa.

Luka 9.26

Mwomwo wose mwangwivwila sonyi Ami namazu ami, Mwana-mutu nawa mwakamwivwi'a ikiye sonyi nawa, omu mwakeza muupahu wenyi nou walse nou wavangelo vajila.

Mateu 10.32, 33

Xikaho wexowo mwangwitavila kumeso avatu, nayAmi nawa

nangukamwitavila ikiye nawa kumeso aTata ali mwilu. Oloze wexowo mwanguhamikila kumeso avatu, nayAmi nawa nangukamhamikila ikiye nawa kumeso aTata ali mwilu.

Wavaka-Loma 10.9, 10

Mwomwo kaci nge naumwitavila Yesu nakanwa kove ngwove, Ikiye Mwata, kaha nge nawitava mumucima wove ngwove, Kalunga amusangula lyehi kuvafu, navakulwila. Mwomwo mutu mwe-tava namucima wenyi nakuwana kwoloka, kaha mwakundwiza nakanwa kenyi nakuwana ulwilo.

SATANA IKIYE MUKA KOLE WETU WAMUNENE 35

Mateu 4.1 na 10, 11

Haze vene vamutwalile Yesu mupambo kuli Xipilitu, mangana vakamweseke kuli liyavolo... Yesu himwamwamba ngwenyi, Ove Satana, fumako, mwomwo vaso-neka ngwavo, Mulemesenga Yehova Kalunga kove, muzacilenga Ikiye kaha. Liyavolo himwamu-seza, kaha kumana, kwejile vangelo nakumukafwako.

Wavaka-Kolinde 2, 2.11

Kucina kutukumba kuli Sata-na, mwomwo vixinganyeka vye-nyi katwahona kuvitacikizako.

WaPetulu 1, 5.8

Pwenunga muvakuunda mume-so, tonenunga. Muka-kole wenu

liyavolo eji kukulijizanga nge ndumba wakutahwoka, nakuto-nda wose mwawana amulye.

Wavaka-Efwesu 6.11

Vwalenu vyuma vyajita vya-kuli Kalunga vyosena, mangana muhasenga kwimanyina kulungu-luka caliyavolo.

Vilinga 26.18

Mangana ukavatonese kumeso avo, mangana vakalumuke kufu-ma kumilima nakwalumukila ku-musana, nakufuma kungolo jaSa-tana nakwalumukila kuli Kalu-nga, mangana vakawane kuva-konekela milonga yavo yaxili, va-kaswane uswana muli vase vaji-lika lyehi hakufwelela kuli Ami.

KUFUNGULULA SATANA

WaYakova 4.7, 8a

Xikaho luukenu kuli Kalunga, oloze mwimanyinenu liyavolo, kaha mwamicina. Pandamenu kuli Kalunga, kaha mwapandama kuli enu. . .

Wavaka-Tesolonyika 2, 2.8

Kaha haze vene numba uze cipapwoki akasoloke, uze navakajiha kuli Mwata Yesu kukuhwi-ma camukanwa kenyi, uze mwakenyeka hakusoloka cakwiza cenyi.

Wavaka-Loma 8.35 na 37

Nyi iyaze mwatuhandununa

kuzangi yaKulixitu? Malwa tahi? nyi vihuli tahi? nyi kutuyanjisa tahi? nyi zala yakalombolombo tahi? nyi uvu tahi? nyi kulimona meso nakufwa tahi? nyi jipoko jamikwale tahi? . . . Nduma, mu-vyuma vyosenevi tunahambakana kufungulula, muli Ou atuzangile.

WaYowano 1, 3.8

Ou eji kulinganga vyuma vya-xili napu wakuli liyavolo, mwo-mwo kufumisa kukuputuka liyavolo eji kuvulumunanga lika. Hakiko vene asolokelele MwanaKalunga, mangana ngwenyi, milimo yaliyavolo ayenyeke.

ZANGI, YEJI KWESEKANGA KWONONOKA CETU 37

WaYowano 1, 4.20

Kaci nge mutu mwamba ngwenyi, Ngwamuzanga Kalunga, oloze nge mwahunga ndumbwenyi, ikiye muka-kwonga. Mwomwou azeneka kuzanga ndumbwenyi ou amona, kexi kuhasa kumuzanga KalungOu acili kanda amumoneko.

Wavaka-Ngalex 5.22, 23a

Oloze mihako yaXipilitu eyi, zangi, nakuwahilila, nakuunda, nakutalilila vakwavo cikoki, nakeke, nakukokweza, nakuxixika, nakuvova, nakulyononona. . .

Yowano 21.16

Amwihwile ceka kamucivali ngwenyi, Ove Ximona mwanaYo-

wano unanguzange tahi? AmwamBILE ngwenyi, Mwomwo vene Mwata, Ove unatacikiza ngwove, ngucibuzange. Yesu himwamwamba ngwenyi, Funganga mikoko jami.

Wavaka-Kolinde 1, 13.1

Kaci nge ngunahanjika malimi avatu nawawa avangelo, oloze nge kangwexi nazangiko, kaha ngunapu nge nguunengu wakuvuma, mokomoko nge ngucifwoyo cakuhumuna.

Yowano 13.35

Hakiko vene navakatacikijila vatu vosena ngwavo, enu mwapwa mutumbaji twami, kaci nge muli nakulizanga navakwenu.

Vilinga 10.39-41

Kahetu tuvinjiho kuvyuma vyosena vize alingilenga nakulifuci lyavaYuleya nakuYelusalema, Uze vene vajihile nawa hakumusukika kucitondo. Ikiye vamusanngwile kuli Kalunga halikumbi lyamucitatu, amuhanyine kusoloka, kexi kuli watu vosenako, oloze kuli vinjiho vavangilile kutongola kuli Kalunga, kuli etu vene, etu twalile nenyi twanwine nenyi omu alingile hanasanguka lyehi kuvafu.

Yowano 20.26-28

Omu mwahicile makumbi atanu naatatu, tumbaji twenyi vapwile ceka muzuvo naTomase ha-

mwe. Kaha Yesu ejile, omu vapwile vijilo vyakusokasoka, emanyine mukaci, avambile ngwenyi, Kuli enu kupwenga kuunda. Kaha himwamwamba Tomase ngwenyi, Neha munwe wove kuno utale mavoko ami, kaha neha livoko lyove kuno ulingise kuluhaci lwami, kaha kanda upwanga umuka-kukana kwitavako, oloze upwenga umukakwitava. Tomase amukumbulwile ngwenyi, Ove Mwata wami, Ove Kalunga kami!

Wavaka-Loma 4.25

Uze veccele havilinga vyetu vakuhingika, Uze vasangwile nawa mangana vatuvulukile kwoloka.

KUSANGUKA, CIKIKO LUTALILILO LWETU 39

LWA UPAHU

Mateu 16.21

Kufuma haze Yesu aputukile kuvalweza tumbaji twenyi ngwenyi, Kuvanga nguye kuYelusalema, ngukayande navyuma vyavivulu kuli vakulwane navapilixitu vavalemu navaka-kusoneka, vakangujihe, kaha vakangusangule ceka kuli Kalunga halikumbi lyamucitatu.

Yowano 5.25 na 28,29

Camwenemwene, camwenemwene, nangumilweza ngwami, kuli nakwiza lwola, noholili kuli, omu navevwa vafu lizu lya-MwanaKalunga, kaha vaze na-

vevwa navayoya. . . Kanda mulikomokelanga kucuma kanako, mwomwo kuli nakwiza lwola halukiko vosena vaze vali muvimbumbe navakevwa lizu lyenyi, navakalovokamo, ava valingile mwamwaza navakasangukila kukuyoya, oloze ava valingilenga mwamupi navakasangukila kukuvapayisa.

Wavaka-Loma 1.4

Kaha vamutengulwile ngwavo, Ikiye MwanaKalunga mwaya xipilitu yenyi wajila, hangolo, hakusanguka kuvafu, Ikiye vene Yesu Kulixitu Mwata wetu.

Luka 1.74, 75

Kutwitavila mangana hakutu-yovola kumavoko avaka-kole jetu Tukamuzacilenga cakuzeneka woma, Nakumuzakamanga nakwolokanga kumeso enyi hama-kumbi etu osena.

Wavaka-Kolinde 2, 7.1

Xikaho, enu vakwetu ngwazanga, hamono tuli najixiko eji, tulitomesenu kuvyuma vyakupihisa vyosena, nevi vyamujimba nevi vyaxipilitu, tutesenungamo mukujila muwoma waKalunga.

WaCimoteu 2, 2.21

Xikaho kaci nge mutu mwali-tomesa kuvyumevi, mwapwa nge

cuma caulemu, cajila, caketela kucizacisa kuli mwata wazuvo, cakulongesela lyehi milimo yamwenemwene yosena.

WaPetulu 1, 1.15

Oloze nganomu apwOu amisan-yikile ajila, ngoco nayenu nawa pwenunga mwajila muvilinga vyenu vyosena.

WaPetulu 1, 1.2

Enu vasakula nge mwaya kutacikiza caKalunga Setu caketacikiza vyuma kanda vicisoloke, mukujilika cakuli Xipilitu, kutwala kukwononoka nakukumisapwila manyinga aYesu Kulixitu. Kuli enu kuvulilenga likoji nakuunda.

Isaya 35.8

**Kuze nakukapwanga likulaku-
la, jila, kaha navakayivuluka
ngwavo, Jila yakujila. Vavapi ka-
vexi kukahitamoko, oloze nayika-
pwa yavava vasokola. Vaka-ku-
tambuka jila, cipwe viheu, kavexi
kukahungumukamoko.**

WavaHepeleu 13.12

**Ngoco naYesu nawa, hakukava
ngwenyi, avajilike watu namanyi-
ngenyivene, xikaho ayanjiwilile
kusali yacikolo.**

WaYowano 1, 1.9

**Kaci nge natwitavila milonga
yetu yaxili, kaha Ikiye napu Ka-
vitakamwamba-limwe, apwa wa-
kwoloka mangana atukonekele**

**milonga yetu yaxili, atutomese
kukuhenga cosena.**

Mateu 3.11

**Aminyi nguli nakumimbapaci-
sa vene mumeya, hakwalumuka
cakupihilila. Oloze Ou mweza
munyima yami nanguhambakana-
mi ngolo, Ikiye mendelo enyi ka-
ngwatelamo kuwambatako. Ikiye
mwakamimbapacisanga muli Xi-
pilitu wajila namukakahya.**

Wavaka-Efwesu 1.4

**Nganomu atusakwile muli Iki-
ye ximbu capwile cihela camavu
cicili kanda, mangana ngwenyi,
tukapwenga tuvaka-kujila, tuva-
kuzeneka cuma cakutuhanyina
mulonga kumeso enyi muzangi.**

Luka 11.13

Xikaho nge enu, cipwe muvapi, oloze munatacikiza mwakuhanyina mawana amwenemwene kuli vana venu, kaha Senu wamwilu mwahambakana cikuma nyi, kuhana Xipilitu wajila kuli ava veji kumulombangayo?

Vilinga 1.8a

Oloze namukatambula ngolo hakwiza Xipilitu wajila hali enu, kaha namukapwanga muvinjiho jami. . .

Ezekele 36.27

Nangukamuhaka Xipilitu yami muli enu, nangukalinga mangana mutambukenga mwaya vilika

vyami, kaha namukalamanga mazu ami akuyula nakuwalinga-nga.

Vilinga 4.31

Vakivo hakukumisa kulomba, muze vakungulukilile mwandende, kaha vakivo vosena vazalile naXipilitu wajila, kaha mazu aKalunga vawambulwilenga nakumika.

Wavaka-Loma 8.9

Oloze kaci nge Xipilitu yaKalunga atwama vene muli enu, kahenu kamwexi ceka mucisemwa cahamavuko, oloze muli muli Xipilitu. Oloze kaci nge mutu kexi naXipilitu yaKulixituko, kaha mutu kana kexi wenyiko.

Jisamu 34.18

Yehova ali hakamwihimwihi navava vahokoka micima, Kaheji kulwilanga vakweci jixipilitu jakucikika.

Kusoloka 21.4

Mwahunda masoji osena kumeso avo. Kufwa kacexi kuka-pwako cekako, kaha nawa kakwexi kukapwa ceka kulixonako, cipwe miteto, cipwe kukola, mwomwo vyuma vyakulivanga vinafumuko lyehi, xikaho.

Isaya 66.2

Mwomwo vyuma vyosenevi mavoko ami anavitenge, ngoco vyuma vyosenevi vyaputukile ku-

pwa. Mukiko mwanambe Yehova. Ngwenyi, Oloze you vene mutu nangutala, ou vene napu wakulinyisa ukweci xipilitu yenyi yakuliveta, ou eji kucikimanga mazu ami.

WaPetulu 1, 4.12, 13

Enu ngwazanga, hakumonoco kweseka kana cakakahya cili muli enu, oco naciza hali enu naku-myeseke, kanda mukalikomokula nge ngwenu, kunamiwane cuma cekako, oloze omu muli nakutamb lako kuvihuli vyaKulixitu, wabililen nga, mangana nahakusoloka upahu wenyi nawa mukawahililenga nakukinyinyina.

Jisamu 34.19

Lupi elu mwamona muka-kwo-loka lunapu lwaluvulu, Oloze Yehova mwamupululula mulukiko lwozena.

Isaya 43.2

Omu nauhita muvimeya nangu-pwanga nayove hamwe, omu nauhita mutulwiji nawa, kavexi kukakupapako. Omu nautambuka mukakahya, kawexi kukawemako kaha mulangi kawexi kukakwata hali oveko.

Wavaka-Loma 8.28

Kaha tunatacikiza ngwetu, kuli vaka-kumuzanga Kalunga vyuma vyosena vyeji kuzacilanga hamwe

nakuneha kuwaha, kuli ava vene asanyika nge kutesa nomu akava mumucima wenyi.

WavaHepeleu 2.18

Mwomwomu ayanjile Ivene hakumweseka, nahase kuvakafwangako ava vali nakumona vyakuveseka.

Wavaka-Kolinde 1, 10.13

Kakwamiwanyine kweseka cekako xinoco kaha navahasa watu. Oloze Kalunga napu Kavitakamwamba-limwe, Ikiye kexi kwitava vamyeseke kuhambakanomu munahaxila, oloze hamwe nakweseka kana mwamisela kuulovoke-lo mangana mucihase.

Kusoloka 3.12

Ou mwahasa vize vyakumuhungumwisa nangukamulingisa kupwa panda muzuvo yaKalunga kami yajila. Kexi kwiza kukalovokamo cekako, kaha nangukamusoneka lijina lyaKalunga kami, nalijina lyanganda yaKalunga kami, yikiko Yelusalema yayihya yakufuma mwilu muli Kalunga kami, nalijina lyami lyalihya nawa.

Kusoloka 3.21

Ou mwahasa vize vyakumuhungumwisa nangukamuhana kutwama nayAmi hamwe halitanda lyami lyawangana, nganomu ngwahaxile nayAmi nawa, kaha

ngunatwame naTata hamwe halitanda lyenyi lyawangana.

Kusoloka 2.7

Ou ali namatwitwi evwilile omu mwahanjika Xipilitu kumauka. Ou mwahasa vize vyakumuhungumwisa nangumuhana kulya kumutondo wakuyoya, ou ali muPalacise yaKalunga.

Kusoloka 3.5

Ou mwahasa vize vyakumuhungumwisa, ikiye navakamuvwika ngoco mahina atoma, lijina lyenyi kangwexi kukalijimbangana hamukanda wakuyoyako, kaha nanguketavila lijina lyenyi kumeso aTata nakumeso avangelo jenyi.

Mateu 5.32

Oloze Ami nangumilweza ngwami, Wose mwatumbika pwevo lyenyi cakuzeneka mulonga waujila, mwamulingisa kupwa muka-ujila. Kaha wose mwambata pwevo vanatumbika lyehi mwalinga ujila.

Wavaka-Loma 7.2, 3

Mwomwo pwevo ukweci lunga lyenyi, Jiximbi jinamukaxila hali lunga lyenyi ximbu acili lunga lyenyi wamutonyi. Oloze kaci nge lunga lyenyi mwafwa, kaha uze pwevo nakasunuka jino kuluximbi lwakuvuluka lunga lyenyi. Xikaho jino, ximbu acili lunga lyenyi wamutonyi, kaci nge uze

pwevo mwasomboka kuli lunga weka, kaha navamuvuluka ngwavo, muka-ujila. Oloze kaci nge lunga lyenyi nafu lyehi, nalihehwa lyehi kuluximbi kana, kaha cipwe nge mwasomboka kuli lunga weka, oloze kexi muka-ujilako.

Wavaka-Kolinde 1, 7.10, 11

Oloze vaze vali kumalo nanguvalweza (oloze kexi yamiko, xina Ivene Mwata ngwenyi), Pwevo kanda akafuma kuli lunga lyenyiko. Oloze kaci nge mwafuma, kaha atwamenga lika muujike, mokomoko akaliwane ceka nalunga lyenyi. Kaha ngwenyi, lunga kanda akaseza puwenyiko.

Mateu 24.27

Mwomwo nge omu weji kuvesanga muveso hakufuma kumusamuko nakuvesa mbwe nakumu-lauko, ngoco munacikapwa kwiza caMwanamutu.

WaYakova 5.8

Nayenu nawa undenunga, zamisenunga micima yenu mbe, mwomwo kwiza caMwata cili kwakamwihi, xikaho.

Mateu 24.30

Numbanyi cinjikizo caMwanamutu cikasoloke mwilu, kaha miyaci yahamavu yosena hinavakayengayenga. Kaha navakamumona Mwanamutu ali nakwiza

hamavwi amwilu nangolo naupahu waunene.

Yowano 14.3

Kahomu nanguya nakumilongesela cihela cenu, hinangwiza ceka nakumitambula, mwize kuli Ami lyavene, mangana kuze ngwatwamAmi nayenu nawa mukatwamengako.

Mako 8.38

Mwomwo wexowo mwangwivwila sonyi Ami namazu ami muli vaka-tanga yino yaujila naxili, naMwanamutu nawa mwakamwivwila ikiye sonyi nawa, omu mwakeza muupahu walse navangelo vajila hamwe.

Luka 12.40

Nayenu nawa pwenunga mwalizanga lyehi, mwomwo halwola munazenekenu kuhaka kumicima, lukiko vene mwakeza Mwanamutu.

WaYowano 1, 3.2

Enu ngwazanga, oholili vene tunapu tuvana vaKalunga, kaho-mu natukapwanga kanda musoloke. Oloze tunatacikiza ngwetu, cosena mwasoloka Ikiye, natulifwananga nenyi, mwomwo natumumona nomu apwa, xikaho.

Vilinga 1.11

Vakivo vavambile nawa ngwavo, Enu malunga vakuNgalileya,

munemanyina nakutalila ika mwilu? Ou Yesu, Ou vanafumisa kuli enu vanatambula mwilu, Ikiye mwakeza ceka nganomu munamumono hakuya mwilu.

Mateu 16.27

Mwomwo Mwanamutu mwakeza muupahu walse navangelo jenyi hamwe, kaha numba akaxixilemo mutu himutu nge kutesa navilinga vyenyi.

Kusoloka 16.15

Ivwenu, nangwiza nge mwiji. Atokwou mwatonanga, ou mwalamanga kuvwala cenyi, kucina mwakatambukanga uselesele, kucina navakamonanga sonyi yenyi.

LIZU LYA KALUNGA

Jisamu 119.105

Mazu ove anapu linongo kumahinji ami, Anapu mumunyi mujila yami.

Jisamu 119.11

Vihande vyove ngunavisweke mumucima wami Kucina nangukuvulumuna mulonga.

Mateu 22.29

Oloze Yesu avakumbulwile ngwenyi, Munahungumuka, mwo-mwo Mazu-vasoneka kamwawatacikizako, cipwe ngolo jaKalunga.

WaCimoteu 2, 3.16

Mazu-vasonekosena vawahwi-ma kuli Kalunga, kaha anawahi-

la kunangula, nakuhuhumuna, nakwolola, nakulongesa kana cili mukwoloka.

Jisamu 119.89

Ove Yehova, mazu ove anema-na mbe mwilu Haya myaka yosena.

WaPetulu 2, 1.21

Mwomwo kumyaka yosena kwapwile upolofweto wejile wakufuma mumucima wamutuko, oloze watu vahanjikile vyakuli Kalunga hakuvahanjikisa kuli Xipilitu wajila.

Luka 21.33

Nalilu namavu navikahita, oloze mazu ami kawexi kukahitako.

Published in numerous languages by the World Missionary Press as God supplies funds in answer to prayer. Other booklets are also available. If you would like more copies for careful distribution, please write in English to:

Text re-printed from the Bible in Luvale by permission of the United Bible Societies Regional Centre, Nairobi, Kenya.

Angola

114 Luvale

✓